

S T A T U T A S

\*\*\*\*\*

dil Chor de Vallada Tujetsch

I. Fin e mira dil Chor

Art. 1

Il Chor de Vallada Tujetsch intenda:

- a) La promoziun dil cant
- b) L'elevaziun della hilaritad e concordia enteifer il Chor ed en Vischnaunca
- c) de - sin giavisch d'autoritads ecclesiasticas e civilas-embellir fiastas occurrentas

Art. 2

Il Chor realisescha sia fin e mira cun:

- a) far exercecis de cant duront gl'entir onn cun exepziun d'ina ni pliras vacanzas
- b) delectar da temps en temps ils vischins de Tujetsch cun producziuns de cant sin plazzas puplicas

II. Appartenenza al Chor

Art. 3

Commember dil Chor de Vallada Tujetsch sa scadin daventar, che habitescha en Vischnaunca, s'annunzia al president dil Chor e quei en scret, ha las necessarias habilitads e vegn prius si dal Chor la radunonza generala cun il pli dellas vuschs.

III. Organisaziun dil Chor

Art. 4

Organs dil Chor ein:

- a) La radunonza generala
- b) La suprastonza
- c) Las direcziuns de cant
- d) Ils revisurs de quen

#### IV. La radunonza generala

##### Art. 5

La radunonza generala duei vegnir convocada enteifer il meins de november.

##### Art. 6

Tractandas della radunonza generala ein specialmein:

1. Rapport annual dil president
2. Rapport dil dirigent
3. Rapport dil cassier sur dils quens annuals e sur la facultad dil Chor
4. Rapport digl actuar sur gl'inventari ed archiv
5. Rapport dils revisurs de quen
6. Discussiun sur tuttas caussas, che van tier al Chor cun eventuals conclus sco era divertiments
7. Elecziuns:
  - a) Della suprastonza
  - b) Dellas direcziuns
  - c) Dils pedels
  - d) Dils revisurs de quen
8. Prelecziun dellas statutas e eventualmein revisiun de tallas
9. Fixaziun dils dis e dellas uras d'exerceci
10. Program annual

##### Art. 7

La suprastonza ha il dretg de convocar tenor basegns aunc autras radunonzas.

Ella ei obligada de clamar ina tala sche  $2/3$  dils commembers giavischan quei.

Per prender conclus valeivels ston silmeins la mesadad dils commembers activs esser presents.

#### V. La suprastonza - las direcziuns

##### Art. 8

La suprastonza che vegn elegida per dus onns consista da quater commembers: president, actuar, cassier ed in assessur. Ella preponderescha tuttas tractandas impurtontas e fa al Chor proposiziun. Ei stat liber ad ella de trer tier aunc auters organs dil Chor per tractar tallas caussas.

En disposiziun della suprastonza stattan dus pedels. Las obligaziuns principalas de quels ein:

- a) Survigilar e reparter las musicalias
- b) Prosequir tuts cammonds della suprastonza

##### Art. 9

La direcziun consista ord in dirigent ed in ni eventualmein dus vicedirigents.

La commissiun de quens consista ord 2 commembers. A quella competta la revisiun dils quens e dell'administraziun.

Art. 10

La suprastonza ha il dretg e l'obligaziun:

- a) de representar il Chor
- b) de proponer las necessarias mesiras per promover la fin e mira ed il beinstar de quel
- c) de fixar exercecis extraordinaris cun consentiment dil dirigent
- d) de far las preparaziuns per las elecziuns
- e) de disponer sur la summa de frs. 100.-- per cass urgents cun silsuenter rapportar al Chor

Art. 11

- a) Il president meina las radunonzas della suprastonza e dil Chor
- b) Igl actuar substituescha il president en si' assenza, meina protocol dellas tractandas dil Chor, procurescha la corrispondenza necessaria e ha quitau per igl archiv ed inventari.

VI. Ils commembers

Art. 12

- a) Mintga commember paga ina contribuziun annuala de frs. 5.--  
La radunonza generala duei prender onn per onn posiziun per cuvierer eventuals mancos.

Art. 13

Mintga commember ei obligaus de surprender in uffeci per dus onns. Tuttas elecziuns vegnan fatgas tras tscherna aviarta, num ch'in commember giavischa scrutini.

Art. 14

Mintga commember s'oblighescha de frequentar las radunonzas ed en special tut ils exercecis e producziuns punctualmein ed entiramein.

Art. 15

Raschuns sufficientas per absenzas ein: malencurada, assenza ord Vischnaunca, malsogna ed auters cass urgents.

Quellas raschuns ston vegnir comunicadas ton sco pusseivel avon ils exercecis ad in organ dil Chor.

La malencurada per geniturs e fargliuns vegn considerata per raschun sufficienta per 6 meins.

Art. 16

- a) In commember sa annunziar sia extrada dal Chor en scret mintgamai sin l'entschatta october.
- b) Sclaus ord il Chor vegnan commembers, che cunterfan agl intent ed impedeschan il beinstar de quel. Ins impedescha era il beinstar dil Chor cun buca comparer ils exercecis senza sufficienta raschun

- c) Per sclauder in commember drova ei 2/3 dellas vuschs
- d) Commembers che han cooperau 20 onns, daventan veterans dil Chor e vegnan honorai cun ina carta.

Art. 17

Il Chor exista aschi ditg sco quel dumbra aunc 30 commembers activs. Dovess el ir en, sa la facultad mai vegnir repartida.

- o Gl'entir inventari sto vegnir deponius en igl archiv de Vischnaunca entochen ch'ei vegn formau in'otra societad ord vischins de Vischnaunca sut il num " Chor de Vallada Tujetsch"

VII. Commembers d'honor e passivs

Art. 18

- a) Commember d'honor daventa automaticamein scadin cantadur, che ha cooperau duront 30 onns sco commember activ.
- b) Autras persunas che han giu per il Chor merets extraordinaris, sin proposiziun della suprastonza e conclus dil Chor.
- c) Ins sa era daventar commember d'honor cun pagar ina summa minimala de frs. 300.-- pauschal
- d) Mintga commember d'honor obtegn in adattau document, signaus dil president e digl actuar dil Chor.
- e) Commembers d'honor activs ein libers de tuttas greveziass e contribuziuns.

Art. 19

Commembers passivs daventan persunas, che sustegnan il Chor cun ina contribuziun minimala de frs. 30.-- pauschal; quels han denton negins privilegis.

Art. 20

Ei vegn cantau sin fossa per commembers activs e d'honor sco era per spirituals, che vegnan satrai en santeri de Tujetsch. Sin giavisch e beinmaniar della suprastonza communal, sa ei era vegnir cantau per autras persunas meriteivlas.

Per commembers activs e d'honor lai il Chor leger 3 s. messas e pren part della sepultura cun la bandiera.

VIII. Determinaziuns finalas

Art. 21

Las sura statutas passan en vigur cun l'approbaziun entras il Chor e san vegnir revedidas dalla radunonza generala mo cun 2/3 dellas vuschs.

Approbadas dalla radunonza generala dil Chor sut datum dils 1 de december 1959.

Per confirmaziun:

Igl actuar

*Luigi Boreggi*

Il president

*Robert J. J. J. J.*

Il cassier

*Enrico Bassi*